

醫方類聚卷之一百十三

積聚門五

瑞竹堂方

積滯

松煙餅子治積氣塊消食快氣江州戴提領家傳秘方

細墨五分燒研陳皮五錢去白牽牛九錢別碾神

麩炒三稜煨火蜜陀僧研五靈脂研個砂研

牡礪煨火麥蘖各五錢炒大黃乙北棗十四存

性班貓乙糯米同炒芫花宿炒乙乾漆去

煙白丁香研 大戟去毒 礞石研 蓬莪朮各一

錢巴豆乙兩去皮濕紙裏燒黃色為度

右為細末小打麵糊為丸如皂角子大捻為餅子記以所傷煎湯送下或麵湯亦可小兒三餅大人看虛實稟氣加四五餅不嚼吞服其積塊漸漸近下再進壹服又覺近下或積塊疝血痢塞大人小兒久痢或休息痢并男子婦人年深不伏水土及暑月變成惡痢米物不消五疝塊逆高胃吐

食心胃悶閉酒疸食黃勞嗽上喘嘔逆涎沫心閉驚恐口苦惡心小便淋瀝大便不通傷寒餘毒婦人胎前產後敗血困生結成積塊飲食平常遍身疼痛腰強腿硬手足眩厥九種心疼十般積熱九般水氣霍亂吐瀉久病瘦弱但有此證並皆治之木香順氣丸消食快氣美進飲食予亦曾服

史才用提舉傳此方

當歸去蘆 木香 獨活法蘆 牛膝酒浸三日去蘆 防風

各壹兩 大黃五兩半 檳榔乙兩 麻仁三兩
 去蘆熟半生 郁李仁各二兩 枳殼煨
 車前子 酒浸 乾山藥各二兩 山茱萸二兩
 兔絲子三日 兩

右為細末煉蜜為丸如梧桐子大每服三
 五十九食後溫湯送下

沉香降氣丸治胃膈痞滿升降水火調順陰
 陽和中益氣推陳致新進美飲食

沉香鎊 木香 革登茄 枳殼去穢 縮砂仁

白豆蔻仁 青皮去白 陳皮去白 廣木炮 枳實

黃連去鬚 半夏姜製 蘿蔔子另研已上 白茯苓

苓去皮 香附子二兩 白木乙兩 烏藥乙兩

右為細末生姜自然汁浸餽餅為丸如梧

桐子大每服五七十九臨卧煎橘皮湯送

下姜湯亦可日進壹服忌生冷調飲食節

陰陽

丁香爛飯丸治中脘胃痛消食快氣

丁香 京三稜 炮 木香 廣茂 各一錢炮 縮砂

仁 益智仁 丁皮 甘松 去土各三錢 甘草

二錢 香附子 五錢炒

右為細末餛餅小浸去皮為丸如梧桐子

大每服三五十九白湯送下細嚼亦可不

拘時候

香稜丸消食快氣寬中利膈化痰 小大哥哥副使常服

京三稜 廣茂 青皮 陳皮 各炒碎醋煮焙干

蘿蔔子 炒別研 縮砂仁 白苧蔻仁 沉香

木香 半夏 各乙兩炒 神曲 炒 麥蘖 炒已上

另 阿魏 半兩別研 香附子 炒去毛 烏藥 枳殼 炒

去穢 葶澄茄 檳榔 溫薑 各半

右件為細末以神曲麥蘖末打糊研入阿

魏攪和為丸如梧桐子大每服七八十丸

姜湯下不拘時候

七香丸治酒食過傷停飲消積寬胃膈快脾

丁香 乳香 研 木香 麝香 研 安息香 研

沉香 鎊 藿香 各二錢半 青橘皮 去穢 陳皮 去穢 檳榔

麩裹 訶子皮 京三稜 麩蓬莪朮 煨肉荳

蔻 乙兩 煨各 桂 二兩半 猪牙皂角 乙兩 去巴

豆 七錢 去殼 不細墨 半

右用陳米四兩與皂角墨巴豆一處炒令

焦黃用重紙裹候冷同前藥碾為細末白

麩糊為丸如黃米谷大每服五七丸至十

丸食後姜湯送下如欲推利服一十五丸

利三二行勿多服丸數

香棗丸治蠱氣病蠱有十種

苦丁香

右為細末用熟棗肉為丸如梧桐子每服三十九丸煎棗湯送下空心服之立効三服必愈

木香三稜散治腹中有虫面色痿黃一切積滯

黑牽牛 半生半炒多用 大腹子 多檳榔 雷丸

錫灰 醋炒三稜 煨蓬木 煨木香 大黃 已上

兩

右爲細末每服三錢空心川蜜水調下或沙糖水亦可須先將燒肉一片口半嚼之休嚥下吐出口中肉汁後服藥

萬靈丸取虫宜積浙東傳

黑牽牛乙斤取頭末大腹子乙斤扁者取

如尖者十兩牛用京三稜五兩廣木香五兩麩裏雷

是檳榔五兩蓬朮煨二

右爲細末和勻用好紫色皂角半斤去皮弦切碎用水兩大椀浸一宿冬月兩宿撈

去麤滓銅磁器內熬數沸白沫出爲度放

冷和藥必須揉杵擣左梧桐子大每服四

錢重五更用沙糖水送下溫冷不妨至天

明去利四五行者看取亦是何虫積以溫

白粥補之忌生冷惺硬之物大有神效孕

婦勿服

消痞逆治痢後肚腹滿悶

蒼朮四兩淨米泔陳皮去白青皮去穢

木香末香薷末

右為細末醋糊為丸如梧桐子大每服二十丸空心溫酒送下小兒三五七丸米飲湯送下

醫方大成

積聚之患古今醫家皆謂大抵難治

和劑方丁香脾積圓治諸食積結聚心腹引

痛有傷脾胃醫方集成南北經驗方○玉袖珍方同方見諸氣門

機微義治諸般食積氣滯胃膈脹滿心腹

刺痛丁香木香巴豆高良姜醋煎各半兩我木

三三棱二兩青皮壹兩皂角三大挺燒右入百草霜

三匙同碾細為末糊丸如麻子大每十九

至二十九

楊氏家藏方木香檳榔煎治脾積氣塊腹脇

走痛口吐清水

木香壹兩檳榔七枚乾漆半兩炒硃砂半兩肉

豆蔻五枚胡椒四十九粒炒肉桂去皮一兩

右為末次入硃砂和勻煉蜜圓如梧桐子

每服七圓橘皮湯下醫方集成南北經驗方袖珍方永類鈔方

玉機微義同

本事方礪砂圓治一切積聚痰飲心脇引痛

礪砂 京三稜別末 乾薑 香白芷 巴豆

去油各半兩 大黃別末 乾漆各一兩 木香 青皮

胡椒各一分 檳榔 肉豆蔻各一個

右為末醞醋二升煮巴豆五七沸復下三

稜大黃末同煎三五沸玉機微義 入礪砂

同煎成膏却入別藥和勻杵圓如棗豆大

每服五圓姜湯下醫方集成南北經驗方玉機

微義同

本事方枳殼散治五種積氣三焦痞塞胃膈

滿悶嘔吐痰逆口苦吞酸常服順氣寬中除

痰癖消積聚

枳殼 京三稜 陳皮 益智仁 莪朮

檳榔 肉桂各兩 乾薑 厚朴 甘草

青皮 肉豆蔻 木香各半兩

右咬咀每服三錢水壹盞薑棗同煎七分

熱服不拘時醫方集成南北經驗方 ○醫

林方治三焦痞塞胃膈滿悶心腹膨脹脇助刺疼飲食不下噎塞不通嘔吐痰逆口吐酸水順氣寬中能消痞癖枳殼荆三稜橘皮益智仁蓬莪茂檳榔肉桂已上各乾薑炮厚朴甘草青皮肉荳蔻木香已上各等分右爲細末每服二三錢水壹中盞生薑棗同煎和滓食後服

楊氏家藏方姜合圓療中脘積聚痰氣胃膈

結痞嘔吐惡心

方見脾胃門○醫方集成南北經驗方袖珍方同

袖珍方

積聚

二香化積丸治諸食積

大烏梅

八個去核炒

芭荳

十六介微去油

胡椒

大者五十粒

陳皮

青皮

縮砂仁

各半丁香

右末米醋糊爲丸如菜荳大每服九九冷

姜湯下食前

化鐵丹治氣塊等積

香附子

四兩去毛通塊用巴豆三十粒去殼膜研細熟水解散香附透春

三夏一秋五冬七取出用水洗三稜蓬
晒乾只用一半香附却用後藥

莪朮 半夏已上三味各壹兩醋煮透丁香 肉豆蔻

蘇裏煨杏仁去皮青皮 陳皮各壹兩高良

姜壹兩多年壁土炒

右為末醋糊丸如梧桐子大每服二三十

丸空心姜湯下

宣毒丸

大黃炮三錢青皮 陳皮 蒼朮各壹兩當歸

去鬚黑牽牛四兩

右為末煮蘿蔔丸如梧桐子大每服三五

十九丸溫水臨卧來日粥補之

黃連消痞丸

黃連炒壹兩半黃芩炒三兩枳實壹斤乾生姜三錢

茯苓五錢白朮焙五錢甘草炙五錢片姜黃壹錢半

陳皮七錢半澤瀉一錢半夏洗壹兩猪苓五錢砂

仁三錢半厚朴製五錢

右為末蒸餅丸如梧桐子大每服壹百丸

溫白湯送下

濬川丸

甘遂 芒硝 各二錢 郁李仁 壹錢 大黃 三錢 黑牽

牛末 二兩

右為末用水丸如梧桐子大每服三五十

丸溫水送下

消磨丸治一切心下痞悶及積年久不愈者

黃連 黃芩 各六錢 姜黃 白朮 各一兩 人參

甘草 二錢 縮砂 三錢 枳實 炒五錢 橘皮 四錢 半夏

乾生薑 二錢 神麴 炒二錢 一方加澤瀉 厚

朴 各三錢 猪苓 二錢

右為末湯浸蒸餅丸如梧桐子大每服七

八十丸至百丸白湯下

妙功在專治榮衛失調將理飲食不節冷熱

所傷或飲醉酒狂陽流蕩強為傷損或大飽

暴怒傷氣或憂驚而氣結不升或悲痛而氣

消不聚或鬱結而氣不散或傷重而力不生

或乘喜而氣散不斂七情所感眾事穴繁起

居失常動勞不一四時乖戾觸冒天地之司

氣留積於榮衛之中冒值風寒濕氣凝滯經絡之間或五臟中各生蓄積之恙或六腑中各長留結之聚或生癥瘕癰塊或留聚而為腫為癰瘡瘍瘡癰風痺痿厥及黃疸水濕蠱毒鼓脹等疾功效不可盡述

大黃四兩 芫連各二兩 鬱金各二兩 輕粉二錢 硃砂二錢
錢粉霜半錢 或川芎二兩 黑牽牛末八兩 滑石兩
白豆蔻三錢 沉香各半兩 蓬朮兩 檳榔各壹兩 黃芩各壹兩

右件除粉霜輕粉硃砂另研白豆蔻別研和勻水丸或稀糊丸如梧桐子大量虛實加減

木香化滯湯治因憂氣食濕麵結於中脘腹皮底癢痛心下痞滿不思飲食乏則不散常痛氣

枳實壹錢 柴胡四錢 木香各三錢 橘皮各三錢 甘草各三錢
紅花各半兩 半夏壹兩 草豆蔻五錢
石收阻水二盞 生姜三片 煎至壹盞去渣

通口服每服五錢

治瘡方

黃牛腦子

壹个酒浸壹宿

雞肚脰

去糞一个朴硝

壹碗提淨

輕粉

沉香

砂仁

木香

各三錢

右件將牛腦用生銅鍋焙乾將各項藥入

焙焙時不計人見服一錢燒酒調下日三

服

磨積藥

枳殼 枳殼 青皮 陳皮 檳榔 蓬

木 三稜 烏藥 甘草 茯苓 半夏

白朮

六錢 針砂

醋炒三兩

皂角

壹兩

生鐵

四兩

右件用好酒壹瓶煮上項藥各五錢用前

藥各壹錢為末水糊為丸如梧桐子大量

虛實大小服將煮針砂生鐵汁溫送下

取積丹用好大黃不以多少為末用好醱醋

蒸膏子為丸如梧桐子大每服一百丸量

虛實大小休吃晚飯用好墨研濃好酒送

下次日見膿血

治酒積面黃黑色腹脹不消

甘遂 末壹錢

右用糟頭猪肉壹兩細切如泥將遂末和勻通作壹丸紙裏煨令香熟取出細嚼酒下臨臥取下酒布袋為妙

消脹丸快氣寬中除腹脹消宿食

木香 黑牽牛 炒 蘿蔔子 炒 檳榔 各等分

右為細末水為丸如梧桐子大每服五七十九生薑蘿蔔湯下

治脾疾

石燕子 一對醋燉二次 輕粉 蜜陀僧 黑丁香

白丁香 舶上硫黃 各等分二錢

右末每服一錢半空心白湯調服之日二服

天南星丸去酒積酒毒

南星 二个端正者淨洗先於淨地上掘窟

窟中簇燒過半除火灰令淨以煮酒壹斗澆之將南星於其中覆以瓦盆用所掘土泥封盆緣勿令透氣一宿來早取出用泔并水各二升和洗淨切作片子焙乾

右為末入飛朱砂一兩姜糊丸如梧桐子
大朱砂為衣每服五十九至一百丸姜湯
下不拘時候

木香通氣丸治痞癖氣滯心腹痞滿嘔逆咳
嗽順氣消痰進飲食散痞

人參

各一兩半 玄胡索 一兩 陳皮 施圓端

白黑牽牛 各六兩 檳榔 丁香 各半兩 三稜 地

廣茂 炮各二兩 半夏 製炒 茴香 炒 木通 神麴

麥蘖盤 各二兩 青皮 三兩 白

右為末水糊丸如小豆大每服三四十九

端效方二 生薑湯下食後日二服

退黃丸

附末 平胃散 四兩 針沙 四兩 炒

右件為末醋糊丸量大小加減白湯下

舟車丸

大黃 甘遂 大戟 芫花 醋炒 青皮 去白 檳

榔 陳皮 去白各二兩 木香 半兩 黃蘗 枳殼 去穢

炒牽牛頭末 四兩 輕粉 一錢

右件為末水丸如梧桐子大每服三五十丸臨臥溫水送下以利為度

木香化滯丸治小兒宿食不消心腹滿脹嘔吐壯熱

木香 三稜

青皮

各一兩

被故紙

黑牽

牛四兩炒取二兩

右用水為丸如黃米大每服二十九溫水下

永類鈴方

五積六聚

脾積食積血積簡易秘方勝紅元金露元萬

病元解毒萬病元順氣元秦川煎紅元見

膈噎門以寬腹平山嵐毒牛兩小荷

五積宜並十四味沉香流氣飲加三稜莪朮

并勝紅元常服仍灸上中脘腎積灸關元

腎膈脾不運人客入脾亦不脾則弱

陳氏治癥瘕癖氣痞積聚冷氣血塊宿食吐

痰水用青黑大巴豆勿冷白摸破但去其

殼分作兩片清麻油略潤之空心溫水吞
下壹枚以飲壓之少時腹內如火利出惡
物雖利不虛人若久服亦不利膜破者不
用全而兩頭尖如棗核者名剛子能殺人
長葫蘆萬安散玉宵傳此治酒積錦絞大黃
四兩微炒賓郎半兩地扁蓄半兩小茴香
四錢麥牙乙兩半瞿麥半兩細末每服八
錢重酒調臨臥服仰臥夜半下惡毒小兒
急驚燈心淡竹葉湯下二錢重婦人血積

酒調下腎氣川練子湯下淋疾車前子下
痘疾茵陳湯下心熱眼疾燈心山梔湯下
痔疾枳殼湯渴疾葛根湯下

曾異庵煎紅元史君子壹兩雷丸一兩半賓
郎半兩黑牽牛八錢木香半兩淨青皮壹
兩半天花粉半兩草烏二兩半炮鄉附子
三稜炮各壹兩爲末皂角熬膏爲元菜豆
大每服三十元空心冷茶下
一方雷丸壹兩賓郎四兩大伏子半斤黑牽

牛壹斤菘木三稜各壹兩皂角三斤乾韭
根壹兩用井花水三升搥碎皂角按汁絹
濾過瓦器熬膏入前藥末為元湯使隨所
病宜藥煎湯下

有腸胃因虛氣癖於盲膜之外流於季脇氣
逆息難凝滯為癰膿濟生磨積元郎百一
選塌氣元

經驗萬全元治諸食積氣積血氣用石菖蒲
去根須剉如米大半斤重川斑猫半斤去

足翅同炒慢火不可燒了候菖蒲黃色取
出揀去斑猫用小布袋盛菖蒲兩人牽製
去盡斑猫屑止用菖蒲研為末用米醋煮
糊為元梧子大每二三十元隨意加減温
酒或熟水下如治蠱脹加香附子末湯調
下治腫尤快

受瘴結成氣塊在腹不散畢擦壹兩大黃壹
兩各生用為末入射香少許煉蜜元梧子
大冷酒湯空心

經驗秘方

積聚

百應圓治年深日近痲痺氣塊癥瘕積聚氣
積滯積酒食積五臟停滯不消小便黃赤四
肢沉困

麥蘖炒神麴炒丁皮去麩桂皮去麩玄胡索

縮砂仁各五錢肉豆蔻各五錢京三稜炮廣木炮

雄黃去石青皮去衣枳殼去穰檳榔代赭石

木香各壹兩

右為細末硝糊為丸小豆大每服五十元

小腸氣茴香湯下心痛熱醋下一產後

寒熱腹痛當歸紅花湯下內外積傷葱

白湯下常服茶酒或鹽湯下不拘時

小青木香圓治飲食倍傷胃膈痞悶或肚刺

痛

香附子去毛半斤五靈脂揀出土四兩牽牛一斤一

半炒熟香取頭末半斤淨淘

右為細末醋煮糊為丸梧子大每服五七

十元溫水送下食遠服本方止治前證偶有親知婦人病月水不通六七月疑有孕久而方覺是病一日臍腹疼痛甚不可忍遂與藥百圓以紅花湯煎酒送下數月之病立通又壹婦人病心痛號呼求救遂與藥八十九令以淡醋煮木香送下立止友人郭顯卿都事病心腹痞滿監塞不結喘息作楚令以蘿蔔子煮湯送下七十九臨卧服明目飲食如故遂久服其病去矣簡音

同方

木香枳殼丸李父郁僉事常有大致

木香 枳殼去穰 枳實去心 青皮去穰 陳皮

白朮去濕 三稜去穰 廣木炮 玄胡索 香附子

炒去毛 檳榔去皮 牽牛四兩取頭

右為細末姜汁打稀糊為元停飲不散一切所傷心腹閉悶每服四十元生薑湯送下

五積元治積聚塊硬臍腹疼痛兩脇脹滿不

思飲食及治寒氣怒恚氣憂喜氣內結如杯
嘔吐痰水四肢羸弱三焦不和中脘痞悶

礪砂 乾漆炒 大戟煮 甘遂 五靈脂各

錢廣木炮 玄胡 丁香 大椒 枳殼炒

沉香 白木 青皮去白 陳皮去白 檳榔 木

香 乾姜炮 鱉甲炙 當歸 芍藥 木通

澤瀉 茴香炒 半夏湯浸七次 官桂 厚朴姜製

茯苓 白豆蔻 藿香 肉豆蔻 縮砂

仁 巴豆去油各五錢 沒藥 乳香 血竭

麝香各二錢 大黃 牽牛各二兩 麥蘖炒 神麩

燒各三兩 京三稜炮力 青礞石甘銅中燒 牛膝酒商

陸洲芫花醋浸炒各半兩

右為細末醋糊丸如梧子大每服七丸至

十九食後臨臥溫水送下

楊子構內消化積丸

陳皮法 神曲 麥蘖 廣木 蘇合 三稜

枳實各 雷丸五錢 蘿蔔子青 沉香 木香

益智仁 黑牽牛各五錢 大連 蝦 四十五

右為細末麩糊丸如梧子大或服四十五
 十九食後溫水送下下膏下木芥
 治酒麩食積停滯胃腸脇肋作痛諸藥不效
 者下膏下

糖毬食陳橘皮水紫蘇莖葉 甘草各

右作二服水一大盞生姜七片煎至膏盞
 去滓稍熱服不拘時候滓再煎以大便利

為効簡音大方同

木香三稜丸治腸胃積聚上下不通利氣下
 痰消食

木香七錢京三稜炮淨切石三稜擇淨肉豆蔻去

麩廣木切煨淨雞爪三稜擇淨青皮去穢各檳

榔削淨巴豆三十二个去皮全仁者輕手

右同為細末姜汁糊丸如棗豆大每服三

五十丸生姜蘸塩少許細嚼熟湯送下食

前服則消宿食利氣下痰食後服則消新

食利氣下痰

經進一捻金散治新舊壹切酒病

丁香 木香 葛花 各一錢 葛根 三錢 雄黃 二錢

研另

前四味為散入雄黃再研勻輕者服半錢

重者壹錢溫酒下二日 烟霞聖效方無時

六均圓治酒病兼去風熱除腸中垢膩諸積

滯

大黃 葛根 朴硝 槐花 牽牛 皂

角 微燼過去皮 弦子各等分

右為末滴水丸梧子大每服二十九溫水

下欲快利臨臥服五七十九

沉香消痞丸余昔歲宦遊江南因晨起空腹

常啜精姜煮酒及四時絕不飲冷雖盛暑煩

渴亦溫煮酒解之久而胃肺積熱在中更或

心有鬱結乘怒強食以致氣不升降胃腹脹

滿噫聲不絕或三五日一遍於飲食後氣閉

不通必須吐去所啗之物候腹脹空虛氣方

稍通病勢將深連日嘔吐諸物不停至胃滿

氣塞之際欲以噴嚏為解用藥搯之不嚏物刺鼻亦不嚏百般較料終不勝其苦命醫治療或云寒或云熱竟不能斷果為何證老醫又云醉飽莫侵房事凡溫中快氣養胃健脾清肺和膈化痰去滯補虛進食等藥或散或丸俱無效驗雖不甚臥床擬待死而已忽遇舊識汴梁張君寶惠余此方依法修製服之十日病減其半未及兩月十分去九既痊之後或有時氣不順壹服即愈經今十有餘年

再不復發是方諸書不載蓋處此方者真良醫也余但遇斯患即傳授之已效十餘人矣故敘述病源以誌之庶抱疾之人服之不疑也

沉香 蘆薈 枳殼 麩炒 硃砂 廣朮 火

黃色各 廣木香 二錢 胡黃連 五錢 麝香 言錢 黑

牽牛 微炒取頭

右為極細末好醋熬肥皂角子膏和藥為丸如梧子大每服四五十九加至八九十

丸臨臥時嚼胡桃仁壹介極爛噙溫水與藥壹處送下忌肉濕麵冷硬物丸雖多止微利而已簡奇方同

諸積治男子婦人經絡不調赤白帶下產後惡物不止用錦紋大黃去蘼皮削淨一斤切為方寸薄片存碎者四兩餘上十二兩用緊炭火甘鍋盛燒微存性取出於砂土內培過入好木香壹兩與生者同碾為極細末每服三錢病甚者加至五錢臟腑虛

損止服三錢小兒量歲數加減俱用沸湯調下酒調亦妙心氣痛者熱醋調有孕勿服燒者存性生者微炙治脾癖即効簡奇方同

治肚疼杭州戴華甫傳

三陳皮多年者去瓢三錢木香蘇甘草蘇母丁香各壹錢

右咬咀水煎食前簡奇方同

經驗神芎丸消酒食明目暖水臟服二十日目明為度

類聚百三

三

大黃二兩 附子炮 青皮 陳皮各五錢 牽牛頭

末四兩

右為細末硝糊丸梧子大每服四五十九食後溫水送下

三稜煎丸順氣寬中消積滯化痰飲治中脘氣痞心腹堅脹脇肋緊硬胃中痞塞痛滿悶喘滿短氣噫氣不通嘔吐痰逆飲食不下臟腑不調或泄或秘前宜服之

蓬莪朮煨切 蘿蔔子微炒 乾漆炒烟盡 青橘皮去白

各一兩 神曲碎炒 麥蘖炒各半 杏仁湯浸去皮尖

色木香各五錢 硃砂三錢另研 京三稜煨切搗羅為末細者

四兩用酒於石器內熬成膏子

右為細末三稜膏子和為丸如梧子大每服二十九至三十五丸溫水飲湯送下食後日二三服

取蟲宣積丸

京三稜炮 雷丸炮 黑牽牛頭末十兩生用 大腹

子取末七兩生用 蓬朮二兩 廣木香一兩

類聚百三

二十六

右爲細末和勻用好紫色皂角半斤去皮
弦截碎水一大椀半浸一宿冬月兩宿勞
去皮滓銅磁器內熬數沸白沫出爲度放
冷和勻藥須揉到丸如梧子大每服四錢
五更時用砂糖水溫冷不妨天明去簡音方有
利四五行看取出是何蟲積孕婦休服溫
白粥補之忌生冷腥硬物二日大有神効
訓中散治大人小兒婦人飲食過度胃膈不
利嘔吐吞酸腹脹肚疼江西劉則行太醫常

用方

人參去蘆白茯苓去皮白朮炒各壹兩木香不見火乾

姜炮各四錢香附子炒去毛二兩藿香葉去枝梗縮砂

仁去殼甘草炙丁香不見火各一兩

右爲細末每服壹錢熱湯調下姜棗湯尤
好

消積集香丸治久積滯氣胃膈痞結噫氣吞
酸嘔吐惡心脇肋脹滿心腹疼痛腸鳴滑泄
水穀不消面黃肌瘦及療疰癘聚結成塊

見作無時發渴疼痛不思飲食

京三稜慢火煨 廣木慢火煨 青皮去穢炒 陳皮去

炒益智仁炒 川練子炒 茴香微炒 舶上丁皮

不見火 巴豆半兩和 各壹兩皮炒

右爲細末川好醋煮糊爲丸如綠豆大每服五丸至七丸食後溫姜湯下如心氣疼痛煎艾醋湯送下溫酒亦可秋夏加官桂壹兩去粗皮不見火七生丸治風熱去痰

川芎 半夏 天南星 明礬 豬牙皂

角 白僵蠶直全蠶各等分

右爲細末姜汁爲丸如梧子大每服三十丸至五十丸忌熱湯食前臨卧各膏服如神

沉香通氣凡治積聚寒熱心腹閉滿脇肋刺痛嘔逆寒痰氣滿不散遍身骨節疼痛寒熱有時榮衛不通順氣和血消進飲食並皆治之

京三稜慢火丁香 陳皮去白各壹兩半玄胡索

木香 木通去皮沉香 白朮各壹兩檳榔半兩

廣木慢火炮枳殼麩炒去瓢各二兩青皮去瓢茴香炒

新羅參 白茯苓新者各一兩半白豆蔻仁三兩

右為細末姜汁打麵糊為丸梧子大每服

三十九或五十九溫水米飲湯下無時服

工梁提舉加減經驗

消痞丸治一切積聚冷物酒傷心腹閉悶

南星 半夏 紫芫花 霍山自然銅各等

分

右為細末醋煮蕎麥麵糊為丸如梧子大

每服四九五九食後生姜橘皮湯送下溫

水亦可大忌豬羊血耿大監純甫常用

治心疼右用水紅花并葉煎湯服或煎茶造

飯亦可

靈砂丹治二十四般積証 脾積不思飲食

肺積上喘咳嗽 腎積腰疼耳鳴 膽積口

苦舌乾 食積口吐酸水 大腸積風痔瘻

小腸積五種淋瀝 驚積涎潮發搐 氣積
四肢虛腫 風積遍身麻木 水積肚腫脚
細 虛積夜多盜汗 勞積喫食不肥 冷
積臍腹疼痛 瘧積發寒發熱酒積面色痿
黃 憂積翻胃吐食 血積精脉不調 心
積心狂發熱 肝積令人眼澁 暑積怕熱
眼澁 痢積便膿便血 疳積頭髮如柳
脾積喫泥喫土

杏仁十个去皮尖

南巴豆

三十介去皮膜油

好白麵

一匙

黃丹三錢

右先以杏仁巴豆殺研極細入黃丹研如
泥放入麵壹匙滴新水爲圓如黃米大每
服三丸比及取積服藥先服白粥三日除
積外都休喫他物服此藥人不以大小生
活並不得做亦不得高聲唱叫也不得往
來行走只可睡坐若婦人病患服藥須令
男子將藥丸遞於患婦口中用飲子藥下
服藥人並不大便十年證候十日取下來

五年證候五日取下存孕婦人勿服此方

及焚香拜授壹人止傳壹人慎勿亂傳亦

不得傳貨藥者及不孝無德之人恐遭陰

譴簡奇方同

治脾癰痞加南廬陳萬所傳屢驗只大小

石燕子雙木鱉子兩

右件用大蒜不拘多少和石燕子壹處傳

和米醋壹處和為泥敷於患處刷皮紙封

之不住手按如癖病軟速去藥如病人渴

飲小粟米湯

醫林方

積聚

治積聚凝滯三噎膈氣各從其類也

肉積硃砂禹酒積神麴血積水蛙氣積

雄黃臘粉半食積巴豆荆三膈上氣厚朴

夏天南星枳殼

酒癥丸消酒積

甘草 半夏生薑製 白茯苓 神麴 麥蘖

大戟 葛根 雄黃 已上各半兩 巴豆 二錢去油

右為細末水浸餛餅為丸如桐子大每服七丸生薑湯送下以利為效

萬應丸治酒積通身黃腫

荆三稜 乾葛根 大戟 芫花 已上各等分

巴豆 許少

右為細末水麴糊為丸如桐子大每服三十丸煎生薑湯送下取下水為效

治食勞黃目黃身黃者

皂礬 不以多少沙鍋子水炭燒通赤用米醋內點之赤紅

右為細末棗肉為丸如桐子大每服二三十丸食後生薑湯下

沉香消痞丸寬中順氣消積化痰心腹疼痛兩脇注悶脹滿不思飲食

木香 半兩 白朮 二兩 荆三稜 廣茂 各二兩 陳皮

壹兩 檳榔 壹兩 大黃 二兩紙裏燒 牽牛 頭末五兩

右為細末水麴糊為丸如桐子大每服三五十九丸食後溫水送下

聚積藥

巴豆膏兩 黃丹三兩 白麩三兩

右先將巴豆水煮三十遍取川三味同和

成餅子又用小煮熟放冷

蜜陀僧兩 大榆錢一錢 五苓脂 史君子

狗脊 黑牽牛頭末

右件各等分爲細末與前藥末研爛同和

丸如棗豆大每服二十丸冷水送下取出

病物爲效

煙霞聖效方

積聚

金露丸療腹內積聚癥癖氣塊大如拳者久

患年深及有黃疾水朝暮咳嗽兼治積年冷

氣時時發痛如虫咬不可忍者又治十種水

氣反胃吐逆飲食不散痔漏腸風婦人經脉

不通遍身頑麻不知痛痒有似虫行足熱夜

臥不安睡語無休更治五邪夢與身交漸漸

瘦損臣服此藥旬日見効表進係景德六年

八月二十日記方于後

菖蒲 紫苑 防風去人 參 茯苓 川

芎炒 桂心 熟乾地黄 貝母炙 驚殼 用

炙黃 枳殼湯浸 甘遂炒 乾薑 桔梗 蜀

椒 吳茱萸 柴胡去蘆 厚朴去麩皮 薑

草烏頭已上各 黃連兩 芭荳三兩 醋煮

右件二十壹味除芭荳煮爛去油盡外壹

處為細末入芭荳霜壹處攪勻用醋打麩

糊為丸如菉豆大每服五七丸臨卧米飲

湯送下治男子婦人五癆七傷硬塊取積

治嗽定喘兼治酒食勞黃大有神効也

金露丸治心腹脹滿痞氣塊如椀大者黃

瘦嘔逆四肢沉重上氣鬱結血氣衝心膀胱

兩脇微背連腰疼痛如刀剗十種水氣八種

反胃氣噎胃五般淋病一切骨蒸頑麻半身

不遂眉毛退落皮膚燥痒常如虫行手足煩

熱夜驚夢與鬼交泄精無度年月深結成勞

病久不能療昏昏如醉小兒暗驚婦人月小

不過室女經脈阻滯羸瘦不思飲食但服此藥無不愈痊

茯苓三分猪牙皂角三分去皮炮官桂半兩去皮附子半兩去
皮兩去厚朴三分去薑製桔梗三錢菖蒲兩
連兩柴胡兩吳茱萸兩烏頭半兩去川椒半兩去
合口去乾薑二錢紫苑二錢人參二錢右等
又甜葶藶兩巴豆三錢續穗子半兩
右三味壹處同醋壹升煮盡於銚了內煮
合色同巴豆赤色取出巴豆去油與前藥

同研得勻煉蜜和丸成壹塊於臼中杵壹
千下丸如梧桐子大每服五丸空心白湯
下未動時再服為度

黑神丹取遠年近日酒食積病

蕎麥六錢川大黃一兩檳榔壹對揀細墨四錢

右件同為細末用冷水和成分作一十三
丸至一十五丸用文武炭輕火燒動每服
壹丸如服藥人住食一日臨卧醋半盞浸
藥如泥研如麵糊相似先喫一口醋如服

藥後又壹口醋送下怕病人來日早晨臟腑有無但服白粥三二日忌生硬物如見臟腑似痢疾魚腦相似休怕三二十遍不妨其病大也痢不見三兩遍若臟腑大小便覷病見効 華山有一道人送與丞相話間不知言間

鬼膽丸治遠年日近諸般積物取之必効 劉先

生傳方

皂角 四兩去皮子 芭豆 二十介好者去皮心油生用研碎

右件細末研濃墨水丸如皂子大每服三丸臨卧漿水送下大便顯出積物爲効

大黃醋煎丸治遠年日近積病鐵觀 劉先生傳方

川大黃 末極細者四兩 醋醋 一升

右件二味同煎熬至如稀麵糊相似和成劑放在磁器內如遇用藥秤壹兩分作小塊男子温嚼送下婦人墨醋汁送下可三兩時辰積物下爲効後服白米粥補之忌生硬冷物

換神丹治壹切酒病通身黃腫不思飲食者
並皆治之
大名府王總管宅內散施此方

黑牽牛

兩

葛根

壹兩

縮砂

三十介

去皮

右件爲細末每服壹大錢用熱酒調空心

送下更用熱酒壹盞再服大有神効

酒癥丸治男子婦人壹切酒食反傷日久成

積心腹脹滿兩肋刺疼每服二丸食後細嚼

燒生薑送下傷食後溫水下心氣疼痛醋湯

下量虛實加減常服食後膏丸茶酒任下

寒食麪

半斤

神麪

三兩

雄黃

三錢

芭豆

五十介

去油

右件爲細末滴水丸如梧桐子大蜜乾川

穀糠同藥丸壹處炒令糠焦爲度每服二

三丸茶酒任下不拘時候懷孕婦人不可

服

酒病丸酒疸身黃飲食減少

葛根

不以

多

以

酒

常

服

三

錢

右爲細末用猪腰子壹箇批破用藥三錢

燒熟服

神麴并酒食所傷如常服消酒進食破遠年

近日積氣並悍治之食減少

蒜

不以神麴多少

右三味搗勻成膏子加乳香加神麴壹片

乳香五錢丸如桐子大每服十五丸搗湯

下

酒癥丸

出相州韓供奉宅

川黃連

半兩和皮用

芭豆

神麴并酒食所傷如常服消酒進食破遠年

近日積氣並悍治之食減少

蒜 不以神麴多少

右三味搗勻成膏子加乳香加神麴壹片

乳香五錢丸如桐子大每服十五丸搗湯

下

酒癥丸 出相州韓供奉宅

川黃連

半兩和皮用

芭豆

右二味搗羅為細末雄黃壹分 別研令極

細與前二味同研勻用寒食麴一十兩如

無以白麵代之與前三味同研極勻滴水

和丸桐子大用平底兒鐺於木炭火上

不住手攪之直候水內浮為度每服壹丸常

服治酒食所傷如是傷酒每服二丸燒牛

糞一塊細嚼酒送下

治諸積病

大戟

二兩芒硝二錢

右件二味同爲細末每服三錢壹大盞水煎八分去滓溫服小油兩匙同飲略過兩三行如人行十里不動二錢服之再勾忌一切生硬冷物

酒癥丸

麥蘖大麥蘖好不以多少醋浸半日取出炒如芽子熟取出揀子芽子在炒乾右爲細末醋打麪糊爲丸如梧桐子大每服二十九至三十九熱酒送下不計時候松煙餅子治一切塊癥勞氣痕聚積

細墨燒 芫花煮 青蒙石 大戟 乾漆

五苓脂 荆三稜 廣茂 蜜陀僧 陳

皮 牡礪煨各半兩 巴豆一兩去皮醋煮過用三重紙裹燒大棗十

四介 白丁香 礪砂 蚩虫 斑毛各一分

右爲細末醋糊爲丸如皂子大捻作餅子每服二餅擘破麪湯送婦人醋湯下休息痢婦人赤白帶下並皆治之

破癥湯療癥證出金翼方

白朮三兩 枳實三兩 柴胡三兩

右切碎水五升煮取二升温作三服服三
干劑永差忌桃李雀肉一切發病之物

療疥癬

桃仁六升去皮豆豉六升乾暴乾薑壹兩

羅川椒三兩去目并

右搗桃仁如脂合搗千杵如乾可入蜜少

計搗令得所可丸桐子大每服三九空心

酒下日進三服

療鼈癥因食驚觸冷不消而生癥者出廣濟方右

壹味白馬尿壹升五合温服之令盡○壽

域神方驚瘕用白馬尿壹盞温飲之即消

衛生易簡方同

萬安丸治一切所傷

黑牽牛二兩取一兩

右爲細末醋浸宿餛餅如糊相似就藥末

和丸如菜豆許每服七八丸加減服之水

送下

施圓端効方

諸積聚

雄松散治酒積酒疸虛勞危困磁州李氏方

雄黃 甘草 甘松 木香 大黃各二錢

丁香壹十箇 巴豆壹十二箇去皮出油另研入

右為細末每服半錢清茶調下至壹錢臨卧微利米粥將理

全真丸治三焦氣壅結痞心胃大便不通傷寒下證已服承氣不利服此百粒安穩而通銀青宅傳燕山名效方

川大黃

商枳實炒 檳榔

黑牽牛各等分

半生半炒

右為細末滴水為丸如梧子每服五七十

凡米飲下以大使和利為度去檳榔枳實

加黃芩滑不一倍名藏用丸治心腹大痛

脹滿大小便不通潮熱燥渴服緊峻藥必

吐了服此五七十九至百丸必通服藥過

多肛門下燥結不得便即用提盆散導之

提盆散治大便秘澁服藥轉取不得通者鄆郡

王彥文方

滄塩

版塊三錢 屋簷爛草節七

右爲細末同研勻每用半錢至一錢竹筒吹在肛門內寸深立效

消滯丸治酒食氣傷心腹痛悶刺痛積滯不

消古洄蘇子敬方

黑牽牛

二兩 附子炒 五靈脂各壹兩

右爲細末醋糊爲丸如豆大每服二十九牛薑湯下食後服

聖紅丸治酒食過傷心腹痛疼痞悶不消船傳

巴豆

二十五箇 杏仁七十五箇 鈔丹壹兩 白

麩四兩

右以先二味研爛次下丹麩研勻滴水爲丸如大豆大每服三四丸新水送下食後服

磨積食勞丸治食勞黃病瘦弱年深嗜食生味米麥塩土不正之食積固虫多使生癖塊

面體痿黃漸令困弱南昌阮十

寒食麪斤半巴豆霜二錢半雄黃三錢半白牽牛

南青皮 陳皮各半

右為細末和勻水為丸如梧子大噉乾麩炒熟每服壹丸隨粥飲下日進三服其効如神百日痊安半年如故

羅漢丸治一切酒食所傷化痰涎行滯氣消

痞痛普濟加減方

縮砂仁 烏梅去核切焙丁香 胡椒各一百粒巴

豆五十箇取霜

右為細末醋糊為丸如菜豆大每服五七丸茶酒任下

貼臍餅子治虛中積滯腹脹痞痛大小便不通

穿山甲炮燥五靈脂 巴豆去皮各大蒜三錢

右為細末同研如泥作餅子如當二錢大蘇裏壹餅安臍中著物繫定覺熱藥行宜取効

三稜沒藥丸治遠久沉積塊痞疼悶杜方

京三稜炮廣茂煨檳榔煎鱉甲醋石礬燒

青皮炒乾漆炒雷丸各半丁皮各半礪砂

沒藥各二錢

右為細末醋糊為丸如菜豆大每服五七

丸白湯下食前日進四服

新效方

保和丸治食積

山查肉三兩神麴二兩陳皮壹兩半夏壹兩白茯苓

一兩連翹半兩蘿蔔干蒸半兩

右七味末之粥和丸梧子大薑湯下或加

白朮二兩玉機微義每三

阿魏丸治肉積

阿魏一兩黃連六錢山查肉一兩一方加半

夏以皂角同煮石礬三錢

右三味末之醋煮神麴丸梧子大每服五

六十九丸用白朮三錢陳皮茯苓各壹錢咬

咀作壹服煎湯送下脾胃虛者須補脾胃

藥作湯使切不可單服

青礞石丸治食積去濕痰

法製硝三錢用十分提淨者茯苓臘月內懸風中化之南星

青礞石斤碎煨過另研半夏同煨過另研茯苓五味各半

右六味末之神麴糊丸梧子大每服三五

十丸溫水下一方加蒼朮半兩滑石壹兩

大溫中丸治食積黃腫

針沙壹十兩醃炒令紅醋陳皮再炒另研蒼朮

青皮 厚朴 三稜 蓬茂六味各五兩 甘草

二兩香附斤一右九味末之醋糊為丸梧子大每服五七

十九空心薑煨湯下午食前晚食前並溫

酒下脾虛者以白朮人參作湯使下

烏梅丸治酒食積下氣消痰

烏梅去仁不生薑各壹斤入半夏湯泡三白礬

各半斤已上四味同杵碎置瓷器中盒數日發過

為末

已上四味同杵碎置瓷器中盒數日發過

已上四味同杵碎置瓷器中盒數日發過

已上四味同杵碎置瓷器中盒數日發過

已上四味同杵碎置瓷器中盒數日發過

已上四味同杵碎置瓷器中盒數日發過

已上四味同杵碎置瓷器中盒數日發過

焙乾

神麴 麥蘖 青皮 陳皮 莪茂 枳

殼 丁皮 大腹子 入味各四兩

右十二味末之水發為丸棗豆大三五十

丸食後溫水下一方加黃芩黃連各二兩

又方半夏 湯泡切片 生薑 切碎 烏梅 去仁留核 三白

礬 二兩作末

已上四味拌勻置瓷器捺實盒過數日晒

乾或焙乾

山查肉 陳皮 各四兩 香附 甘草 炙 連翹

三味各 蘿蔔子 壹兩蒸

右十味丸法服法同前

玉機微義 積聚

五臟積方

東垣肥氣丸 伏梁丸 痞氣丸 息賁丸

奔豚丸 方並見東垣試効方

按已上諸方宜隨證加減用之所謂益元

氣洩陰火破滯氣削其堅也

吐劑

瓜蒂散 方見咳
嗽門

按吐法意略具前宜兼看各門吐例

倒倉法

丹溪曰人之七情厚味停痰瘀血互相糾纏日積月深鬱結成聚甚者如桃核之穰諸般奇形之虫成於中形於外發為癱瘓為勞瘵為蠱脹為癩疾為無名奇病宜行此法用黃牯牛肉擇肥者買一二十斤長流

水煮糜爛融入湯中為液以布濾出相滓取淨汁再入鍋文武火熬成琥珀色則成矣每飲壹鍾少時又飲如此者積十數鍾寒月則重湯溫而飲之病在上者欲其吐多病在下者欲其利多病在中者欲其吐利俱多全在活法而為緩急多寡也須晴明日早於一室明快不通風處以安病人視所出之物可盡病根則止吐利後或渴不得與湯水其小便必長取以飲病者名

曰轉迴酒與一二椀非惟可以止渴抑且可滌濯餘垢睡一二日覺飢甚乃與粥淡食之待三日後始與少菜羹自養半月覺精神煥發形體輕健沉痾悉除其後須五年忌牛肉

消導之劑

御藥院方助氣丸治三焦痞閉胃膈滿悶氣不流通蘊結成積痞癖氣塊並皆治之

京三稜

莪朮

各炮二斤青皮

陳皮

並去白

朮

各十斤檳榔

枳殼

木香

各十斤

右爲末糊丸如梧子大每五十九煎水下

按此治諸氣積藥也然世俗治積之方多兼氣藥欲其氣化而積易散殊不知氣虛者何以抵受中夾熱者豈不助火反傷氣耶故用者宜分虛實寒熱選使况此方雜削氣之藥過半而云助氣恐未必然也

三因散聚湯

方見本方

濟生大七氣湯

方見嚴氏濟生

按此二方治聚之劑也然聚痕用湯蕩滌之意亦要隨臟氣虛實寒熱而增損之可也

東垣草豆蔻丸治酒積或傷寒冷物胃腕痛咽膈不通

草豆蔻煨白朮各壹兩大麥蘖神麴各黃

芩半夏各半兩枳實炒二兩陳皮青皮

乾生薑各二錢半炒錢半

右為極細末湯浸蒸餅丸如棗豆大每服

百凡煎水下

按此治酒積飲積藥也入氣血之分

廣朮潰堅湯治有積塊堅硬如石形如拌大

令人坐臥不安中滿腹脹方見脹滿門

寶鑑香殼丸破痰癖消癥塊及冷積

木香丁香各五錢京三稜剉酒浸青皮

廣朮剉酒浸壹宿用去皮巴豆黃豆枳殼炒川

棟子茴香炒各一兩

右末醋糊丸如梧子大朱砂為衣每服二

十斤姜塩湯下

按此治氣積寒積之劑下焦藥也

丹溪阿魏丸治肉積

連翹

半兩

糖

棗

一兩

右為末用阿魏糊丸如梧子大每二三

九白湯下

保和丸

方見新効方

按此二方食積藥也又此方治痰積飲積之劑丹溪曰脾虛者須以補脾藥下之切

不可獨用虛虛之禍疾如反掌蓋慎之也氣實新病宜於攻下諸方選用又不必拘此

宣明三稜湯

方見宣明論

按此治癥瘕之劑氣血藥也然瘕者雖硬而忽聚散即聚也屬陽氣也經云血不流而寒薄故血內凝而瘕蓋又屬血尔固當兼治之此方亦可以推其變從虛實加減而輕重之可也

謹按針經備陰絡傷汁血相搏并合成積或臟氣傳受乃子和論七情爲鬱皆元氣自病不係傷諸飲食致者當先調理不可妄下故已上五臟方消導法宜選用氣虛弱甚者又宜消息此養正積自除之意若傷諸飲食致者元氣未病初非下之削之不可然治之不早元氣日減正氣日偷力用下削而能獲安者實僥倖焉至是者亦宜上法先補後攻可也醫反是之多致悞

今若積鬱在身形氣飲食如常者則已下削墜之方或吐或下的在選用衰其大半宜漸除之否則失幾後時而不救者多矣然有除之未盡元氣未復而使內縱口味恣七情病遂復起者亦不鮮矣嗚呼世道不古人之不謹致積又不能歸罪於已安必調理卒致殞沒不得以盡其天年者固不足惜然醫之不能精明其道悞人生命者豈無所韋耶

削堅之劑

楊氏木香檳榔煎丸 方見醫方大成

按此治肉積寒積藥也入氣血之分

局方丁香脾積丸 方見醫方大成

按此治寒冷食積藥也

鄧山房感應丸治食積化宿滯

黑角沉香 木香 檀香 丁香 陳皮

青皮 黃連 砂仁 香附子 半夏

三稜 煨 蓬朮 煨各一兩 肥烏梅 百錢 巴豆 為細末

三百粒肥白者去衣膜心

右用磁器壹隻盛巴豆上以梅肉蓋之即

用米醋浸過與梅肉平於甌坐蒸至極熟

以巴豆紅色為度却搗二件如泥用糯米

飯和前藥勻搗千百下丸如蘿白子大每

十丸湯下

按此下氣積食積藥也

宣明積氣丹 方見宣明論

按此下飲積氣肉積水積藥也

本事礪砂丸 方見醫方大成

按此下肉積氣積例藥因其中用白芷為散水行氣故更言治痰飲也

破積導飲丸治積塊堅破飲食不消心下痞

悶

木香 檳榔 陳皮 青皮 枳殼 枳

實 炒廣木 三稜 炮半夏 神麩 炒麥蘖

乾牛姜 茯苓 澤瀉 甘草 炙各半兩 牽牛

頭末巴豆二十粒去六錢皮心油

右細末入巴豆霜令勻姜汁糊丸梧子大每三十九丸溫姜湯下

按此治飲積酒積氣積藥也然世俗方類此者甚多大抵多合以熱劑不能以盡病情之變唯此方庶幾用者自宜取擇

三因破飲丸 方見咳嗽門

晞露丸治傷寒於內氣凝不流結於腸外久為癥瘕時作疼痛腰不得伸

廣木 三稜 各酒浸壹兩 乾漆 炒五錢 茴香 炒青

皮 雄黃 川山甲炮各三錢 礞砂四錢 輕粉

川烏五錢 麝香半錢 巴豆三十粒去殼同

去巴豆不用

右細末和勻姜汁糊丸梧子大每三二十

丸溫姜湯下空心服

按此治腸覃寒積之劑也

寶鑑見現丹治婦人石痕狀如懷子者

附子四錢 鬼箭羽 紫石英各三錢 澤瀉

肉桂 玄胡 木香各二錢 血竭一錢 水蛭

壹錢抄 檳榔二錢 桃仁沙三三稜五 大黃

烟盡 二錢同三稜 酒浸壹宿焙

右各研勻酒糊丸梧子大每三十九食前

用塩湯或酒下

按此治血積藥也

溫白丸方見和劑局方

按此治食積寒積藥也

經驗方塌腫神應丸治諸腫虫毒肚脹如鼓

脾癰癥瘕氣塊上喘氣急欬嗽倚息不得躋

服藥不効者

三稜 莪朮 青皮 陳皮 乾漆 燒各一兩

芫花 七錢半 大戟 三錢 硃砂 巴豆霜 各壹錢

右前藥和一處用好米醋壹大碗慢火上煮醋乾為度取出晒乾碾為末醋和作丸如梧子大每四五十九生薑湯下五更服隨用椒目六兩蘿白子半斤炒香熟用手帕盛於患處熨如冷再炒熨至再三大小便行後才住熨以溫稀粥補之

按此治癥瘕之劑飲積氣積水積血積藥也

聖散子 方見衛生寶鑑

按此氣血藥也

謹按治積之方氣實者故宜峻削故古方多相類近世又多用推逐之劑如剪紅丸蠟丸去積亦是一法但不分氣血虫物諸積之異人之虛實不同往往悞人故皆不錄其或可吐者宜從子和之法氣虛羸弱

者觀東垣諸方已啓其微用者當自求其
意而爲通變可也

壽域神方

痞積部

治痞証用信三錢五倍于炒乾三錢馬牙硝
二兩爲末麴調成膏攤於痞上用青絹洗
濕蓋藥上用熨斗熨之如乾再以水濕再
熨三五次候十分乾燥爲度

治癥瘕用吳茱萸三升擣碎以酒和煮令熟

布裏熨癥上冷易之癥當移去頻熨卽消
亦用酒煮牛膝常服極妙

心腹寒冷食飲積聚結癖用椒目二兩巴豆
壹兩去皮心熬搗以棗膏丸如麻子大每
服二丸薑湯下痛止

伏梁氣在心下結聚不散

方見聖
惠方

一方多取商陸根擣蒸之以新布遮腹上將
藥鋪著布上冷易之晝夜勿息
痞氣病腹中作塊用雄黃明礬各二兩研細

類聚百三
五十一
先將二兩水糊和成膏紙攤貼於患上即
効如不効再將二兩調貼須看貼藥之後
大便如白膿之狀乃見愈矣
驚癥伏在心下手揣見頭足時時轉動用白
雌雞一隻不要喂食一宿天明猪脂煎飯
喂之出其尿無問多少放於銅器中以湯
和之火上熬乾爲末白湯調服方寸七日
四五服須消盡乃止常喂雞取屎好了桑
雞單食之

心下有物大如杯不得卧者以葶藶熬大黃
澤瀉各二兩爲末蜜和干杵丸如梧子大
空心醋湯服二九日三服
膜外氣及氣塊用玄胡索不拘多少爲末猪
胰一具切塊炙熟蘸藥末食之
食魚肉等物成癥結在腹并諸毒氣用狗糞
三蒸燒存性爲末蘇裏酒五鍾浸二宿取
清酒分十服日二服已後日三服服盡所
食癥結即出矣

一方以巴豆一枚去心皮熬之椒目十四介
豉十六粒合搗爲丸如麻子大白湯服二
丸當吐利如吐利不盡更服二丸得吐利
盡卽瘥

久積冷不下食嘔吐不止冷在胃中以半夏
五兩湯泡搥碎白麵一兩以水搜作碁子
大水煮令熟爲度晒乾爲末每服二錢用
生薑醋湯調服不拘時

食魚肉腹中脹滿漸成癥瘕痛悶不止飲食

少進日漸羸瘦取水中石子數十枚火燒
赤投五升水中七遍卽熱飲之如此三五
度利山癥瘕妙

胸膈痞悶肚腹脹滿用木香沉香乳香各半
錢爲末以巴豆去皮油二錢棗二箇去皮
搗成膏和藥收之每服壹丸如菘豆大涼
水送下如欲利三行先喫凉水三口然後
服藥如欲五六行依數先飲水
小腹堅大如盤胸中滿能食而不消用麴末

方寸七日服三次神效衛生易簡方同

治病用水中長蕨菜淡煮喫三日即打下惡

物仍要忌推一月方安衛生易簡方同

一方用三春柳衛生易簡方觀音柳煎湯露一宿至五

更飲數盞痞自消

蛇瘦凡蛇精乃液拋沾菜上人誤食之腹內

成蛇或食蛇肉亦作蛇痕其人常飲食之

即吐衛生易簡方此下有腹中如蛇四字用赤頭蜈蚣壹條

為末分服酒調下

蛟龍瘦用寒食飯三升每服五合日二服遂

吐出蛟龍有頭尾衛生易簡方同

衛生易簡方

積聚癥瘕

治男婦五般積氣成聚用牽牛壹斤生搗末

八兩餘滓於新瓦上炒香放冷再搗取末

四兩共十二兩拌勻煉蜜丸如桐子大患

積氣重者三五丸陳皮生姜湯下空

心臨臥服

治癥腹中有物硬如石刺痛用虎杖根壹斗

乾搗酒清飲之日三服

治癥熨法川茱萸三升碎之酒和煮熟布裹熨之冷更炒更番熨

治卒暴癥腹中有物堅如石痛欲死用葫藿

根一小束洗瀝去水細擘酒二升浸三宿

煖瀉服五合至膏升日三若欲速得服於

熱灰中瀉令味出服之此藥無毒大驗

治積聚癥瘕并去三尸益氣延年用雄黃二

兩爲末九度小飛過入新竹筒以蒸餅塞

筒口蒸七度用粉脂壹兩凡如表豆大日

三服酒下七九十九三年後百病皆除永

不飢渴

治癖用大黃十兩爲末醋三升白蜜兩匙同

煎堪丸如桐子大壹服三十丸生薑湯下

以利爲度小兒減服

又方用郁李仁湯去皮與麪和搗爲餅如乾

著淡小作餅如病人掌大爲二餅炙黃熟

空腹食壹枚當快利如不利更食壹枚或
 飲熱粥以利為度若至午後利不止即以
 醋飯止之病未盡去壹二日後更進壹服
 以病盡為限不得食酪及牛肉無不効
 治疰癧癥結及諸虫并馬毒瘡用馬齒莧和
 搗醋煮壹椀空心食有虫盡出汁塗瘡
 治腹中疰癧諸塊備預百要用雄雀屎和乾
 姜枳心艾等分為丸百要方空心米飲服
 十九

又方用驚甲燒黃合訶梨勒皮乾姜等分為
 丸空心服三十九
 治驚痕用新熟赤黍米淘取泔汁生服壹升
 不過三度愈
 治瘡用綠礬四兩為末麩二兩作皮包礬蒸
 熟以胡桃仁十箇杏仁二十四箇去皮尖
 胡椒三十粒共搗如泥丸如桐子大每服
 二十九空心溫酒下如劑硬加熟蜜丸
 又方用木驚子七枚去殼搗爛好醋拌勻以

精猪肉四兩薄切塗藥灸熟令患者旋嗅
旋喫服月餘日愈忌煎炒物

治驚瘦用胡粉黍米淋汁溫服大効

治疰瘕氣塊用桑柴灰汁三升驚壹枚同煮
如泥去骨再煮如膏丸如桐子大每服十
丸隨食飲下

治男婦氣瘦小腹堅結如杯盤婦人月候不
通往來潮熱或痢羸瘦用地黃三十斤杵
絞汁乾漆一斤爲末慢火熬稠丸如桐子

大每服五七丸溫酒下無時

治一切積聚氣脹兩脇膨滿無問新久用大
黃三兩黑牽牛頭末一兩礪砂三錢梔子
半兩輕粉二錢共爲末煉蜜捻如小銅錢
大厚食後細嚼三餅溫酒送下臨卧如行
粥補之虛實加減服

治積聚心腹痞滿嘔吐不止用皂角一錠壹
尺二寸燒留性盆合於地土壅勿令出烟
巴豆十二箇去殼以麩壹兩同炒黃爲末

醋糊丸如菜豆大每服十九食後塩湯下
約量加減

治瘡切積聚痰癖氣塊及大小結胸痛不能
抑按用南星半夏芫花自然銅生用等分
爲末醋糊丸如桐子大每服五七丸食前
溫湯下

治腹內積滯毒氣春宜無病用檳榔郁李仁
等分爲末每服三錢匕蜜水調下無時
治秋夏之交露坐夜久腹中痞如群石在內

用大豆半升生姜八分水二升煎壹升頓
服差

治心下堅如盤用枳實去白麩炒壹錢半白
朮三錢水壹盞煎七分溫服其堅卽散
治腹中癖塊用大黃朴硝等分爲末以葱蒜
研爛和勻如膏厚攤絹帛上貼患處卽消
軟

治食積酒積氣積諸般積塊翻胃噎塞嘔逆
心膈脹滿噯酸口吐清水面黃肌瘦飲食

少進五勞七傷山嵐瘴氣水腫積熱痰壅
癰疽腫痛淋瀝婦人蠱腫寒熱黃瘦月水
不調赤白帶下鬼胎產後諸疾小兒疳
虫積誤食毒物並宜服之用檳榔大黃商
六貫衆各半斤三稜六兩莪朮四兩雷丸
芫花各二兩已上四味俱醋煮焙乾木香
二兩牽牛二斤取頭末十兩二兩入藥八
兩發丸時四次爲衣先用苦楝根皮壹斤
水壹小桶熬數沸去皮入皂角去皮子壹

斤再熬數沸去皂角入茵陳半斤再熬數
沸去茵陳入藿香四兩微熬待冷澄清用
小粟米飯爲母以藥水發藥末爲丸如棗
豆大每服三錢小兒量減夜飯莫食四更
雞鳴時用冷茶清吞下少頃必行四五次
有虫下虫有積取積有塊消塊至辰巳時
方可飲食病深者過二日再用壹服忌生
冷酸鹹魚麵油膩孕婦勿服累驗
又方用貫衆二斤牽牛壹斤檳榔半斤三稜

蓬朮各四兩大黃二兩雷丸半兩白芷茵
香各一兩爲末別用皂角齒陳各半斤濃
煎湯和劑搗千餘下丸如棗豆夫每服半
兩川紫蘇枳殼葱白陳皮止瓜根等分爲
末水鍾半煎一鍾候冷五更時起身直立
吞丸藥下天明取効
又方用黃酒麴四斤炒黃色薑末二斤米泔
浸切片焙乾皂礬壹斤炒好醋壹碗煮乾
就蓋鍋於地上一宿取出爲末酒漚糊爲

丸如桐子人常服三十九加至四十九
空心好酒或米湯送下壹日三次服之百
無所忌諸般積塊脾胃怯弱飲食不消腹
脹面黃四肢倦怠酸疼無力並皆治之、
治男婦遠近陳積氣塊水腫小腸偏墜脚氣
蠱毒噎塞返食心氣脾疼喘急咳喘肺脹
吐紅腸風痔漏左癱右瘓丹毒瘡疥紫白
血癥癰疽腫毒泄痢脾寒山嵐瘴氣小兒
癩風癩並宜服之用大黃春冬二斤火炮

秋夏壹斤二兩生用甘草半斤炙牽牛十
二兩檳榔十兩三稜四兩木香壹兩爲末
每服五錢五更初面東冷水一盞調下已
時取大病根青紅赤白或是蛇虫蝦蟆蜈
蚣亂絲血塊不問四季老弱無妨利後用
白粥補之孕婦勿服

金匱鈎玄

血塊 在中爲痰飲 右爲食積 左爲血
積氣不能作塊成聚塊乃有形之物痰與

食積死血藥用醋煮海石醋煮三稜莪朮
桃仁紅花五靈脂香付之類 石減白朮
湯吞 瓦竜子能消血塊次消痰
治塊降火消食積積卽痰也 行死血塊去
後須大補 石減一物有痰積有塊可用
能洗滌垢膩又消食積

積聚癥瘕用蜀葵根湯熬成煎人參白朮陳
皮青皮甘草梢牛膝成湯再入研細桃仁
少許玄明粉熱飲之二服可見塊下病重

補劑接之後加減再行

消塊丸卽千金消石大九子止可磨積不令人困量虛實用

消石_{六兩}大黃_{半斤}人參_{三兩}甘草_{三兩}

右爲末以三年苦酒三升置釜中以竹片作准每壹升作壹刻柱釜中先納大黃不住手攪使微沸盡壹刻乃下餘藥又盡壹刻微火熬伺可丸使丸如雞子黃大每服壹丸米飲下如不能服大丸則作小丸如

梧桐子大服三十丸後下如雞肝米泔赤黑水等卽効下後避風冷啖軟粥將理

又方三聖膏礪灰半斤爲末瓦器炒令淡紅色提出火外俟微冷入大黃末壹兩同炒出火微冷入桂心末半兩略炒入米泔熬成膏厚攤貼患處

又方大黃_兩朴硝_兩爲末大蒜同搗成膏貼之痞塊在皮裏膜外者須用補氣香付開之兼二陳湯加補氣藥先須斷厚味

茶癖 石膏黃芩升麻爲末沙糖湯調服效
備預百要方

腹中氣塊方大黃葶撥等分末蜜丸如桐子
大以麝香水下三十丸空心日三

又黍米新熟者取四升服壹升三四度
腹中成塊方藍汁半升服

血瘕塊結腹痛方牛膝壹大把并葉酒煮服
差爲服

又馬齒莧生汁服之當下惡物 此兼治
水瘕

又厲石燒赤投酒服 兼破宿血
亦治水瘕

水瘕方蓖麻子二十箇水研服之吐惡沫三

日壹服差爲度

心下堅大如盤不安方枳實七枚白朮三兩

切水壹斗煮取三升分二服 飲水
所致

腹中積聚方石硫黃滿腹塗之

積聚禁忌

巢氏病源

髓瘕候

養生方云六月勿食澤中水令人成驚瘕也

魚瘕候

養生方云魚赤目作鱠食之生瘕

積聚導引

巢氏病源

積聚候

養生方導引法云以左足踐右足上除心下

積

又云病心下積聚端坐生腰向日仰頭除以

口內氣因而咽之三十過而止開目

又云左脇側臥申臂直脚以口內氣鼻吐之
通而復始除積聚心下不便

又云以左手按右脇舉右手極形除積及老
血

又云閉口微息正坐向玉氣張鼻取氣逼置
臍下小口微出十二通氣以除結聚低頭
不息十二通以消飲食令身輕強行之冬
月令人不寒

又云端坐生腰直上展兩臂仰兩手掌以鼻
內氣閉之自極七息名曰蜀王喬除脇下
積聚

又云向晨去枕正偃臥伸臂脛瞑目閉口不
息極張腹兩足再息頃間吸腹仰兩足倍
拳欲自微息定復為春三夏五秋七冬九
蕩滌五藏津潤六腑所病皆愈腹有疾積
聚者張吸其腹熱乃止癥瘕散破即愈矣
癥瘕候

養生方云飲食大走腸胃傷久成癥瘕時時

結痛

養生方導引法云向晨去枕正偃臥伸臂脛
瞑目閉口無息極張腹兩足再息頃間吸
腹仰兩足倍拳欲自微息定復為之春三
夏五秋七冬九蕩滌五藏津潤六腑所病
皆愈積聚者張及其腹熱乃止癥瘕散破
即愈矣

三因方

息積證治

導引法以兩手母指壓無名指本節作拳按
 髀跌坐扣齒三十六屢氣二十壹息嚙氣
 三口再屏息再嚙如是三作以氣通為效
 遇子午卯酉時則行然按摩導引之法其
 多隨意行之皆可不必拘此法

目錄

咳逆門

論

海上仙方

吃噫

聖惠方

治欬癆諸方

高良薑散

大全本草

三因方

噦治法

橘皮竹茹湯 羌活散 丁香散

衛生十全方

神巧萬全方

瑣碎錄

直指方

蘇合香圓

嚴氏濟生方

咳逆

羌活附子散 橘皮湯 柿蒂湯

得效方

咳逆

丁香柿蒂散 木香勻氣散 沉香降氣

湯 橘皮乾薑湯 藜蘆加散 小柴胡

湯 澹寮方

聖濟總錄

噦

兩順煮散 人參湯 羌活湯 沉香烏

藥丸 小丁沉丸 水銀膏 豆蔻湯

理中散 乾薑丸 枇杷葉湯 白朮湯

三聖散 生薑散 草豆蔻散 附子煮

散 厚朴煮散 降氣丸 丁香湯 柴石

蓮丸 木香 丁香 降氣丸 丁香湯 柴石

拔粹方

嘔吐吃逆

藿香安胃散 二陳湯 柿錢散

醫方大成

咳逆

半夏生姜湯

南北經驗方

咳逆

桂苓白朮散

山居四要

永類鈴方

咳逆

橘皮竹茹湯 半夏生姜湯 橘皮乾姜湯

施圓端效方

丁香柿蒂散

玉機微義

咳逆

橘皮竹茹湯

小茈胡湯

大承氣湯

瀉心湯

半夏生薑湯

橘皮乾姜湯

丁香散

柿蒂湯

羌活附子散

炙甘

草湯

壽域神方

咳逆部

衛生易簡方

咳逆

金匱鈎玄

餘藥無名者散見本方

論藥無多皆謂是也

金匱

論

論

論

論

論

咳逆門

三因方

噦逆論證

噦者咳逆也古方則謂之噦凡吐利後多作噦大率胃實即噦胃虛則噦此由胃中虛膈上熱故噦或至八九聲相連收氣不回至於驚人者若傷寒久病得此甚惡內經所謂壞府者是也楊上善釋云津洩者知搖器之漏聲嘶者知琴絃之絕葉落者知槁木之摧舉

此三物衰壞之徵以比噦故知是病深之候也亦有噦而心下堅痞眩悸者以膈間有痰水所爲其他病則各有治法
嚴氏濟生方

咳逆論治

夫咳逆之病考詳諸書無該載者唯孫真人云咳逆遍尋方論無此名稱但古人以咳逆爲噦耳多因吐利之後胃中虛寒遂成此證亦有胃虛鬲上熱噦至八九聲相連收氣不

回者却當子細看脉與證施以治法大抵老人虛人久病人及婦人產後有此證者皆是病深之候非佳兆也

治病百法

欬逆

夫男子婦人咳逆俗呼曰忤忤乃陰陽不和也乃傷寒亦有咳逆者並可用既濟散治之忌寒熱物宜食溫淡物以養胃氣耳
醫方大成

咳逆

咳逆之證古人以為噦者是也此證多因病後未得調理或吐利之後胃中虛寒遂成此證亦有胃虛膈熱噦至八九聲相連收氣不回者亦有噦而心下緊痞眩悸此乃膈間有痰故也當詳其脉證施以治法大率胃實則噦胃虛則噦年高氣虛及婦人產後多有此證皆是病深之候非易治也
永類鈴方

雜病欬逆

脉

病證直下宜治

緊細

吐利後胃虛濟生羌活附子酸柿帶湯

寒足微冷

又柿帶煎湯噦蘇合香元

三因丁香散活人橘皮乾

姜湯

虛浮

吐利後胃虛

濟生橘皮湯 活人半夏

熱面紅白手足温

生薑湯 橘皮竹茹湯

大病後脾胃氣衰

活人橘皮竹茹湯濟生橘

中州已無土

皮湯又葷澄茄良姜各三分為末煎二錢入醋少許熱服又萊服子煎湯調木香調氣散熱服

婦人產後

灸期門三壯神效婦人屈

乳頭向下盡處骨內是穴男子及乳

小者乳下一指為率男左女右與乳

正直下壹指陷中動脈處是穴炷如

小豆大穴真病立止醫說

玉機微義 咳逆

敘咳逆為病

內經云歲金太過欬逆金鬱之發欬逆少陰二氣欬送

按內經所言欬送者止此他書唯傷寒論欬逆脈散者死又金匱治欬逆上氣諸方而已似皆指肺金及火為病也活人書謂欬逆証為極惡仲景所不載孫真人云徧尋方論無此名遂斷欬逆為噦証而靈樞

云噦者穀入于胃胃氣上注於肺故寒氣與新穀氣俱入于胃新故相亂真邪相攻氣并相逆復出于胃故爲噦注云噦氣乍也乍偶敵也保命集又以欬逆爲噫噫氣者胃中氣不交也少陰經至胃中交於厥陰水火相傳而有聲靈樞云噫者寒氣客于胃厥逆從下上復出于胃故爲噫注云噫象火烟隨焰出心不受邪故噫出之愚謂二說各有其義未知是否而難知力辨

朱氏之非其論見後

論傷寒咳逆有寒有熱

活人書云欬逆者仲景所謂噦是也胃寒所生傷寒本虛攻其熱必噦又云傷寒大吐下之極虛後極汗出者因得噦所以然者胃中寒冷故也橘皮乾姜湯羌活附子散半夏生薑湯退陰散土之不差者灸乳下必愈然亦有陽証者欬逆者有潮熱時時噦小茈胡湯橘皮竹茹湯又云傷寒噦而腹滿視其前後

何部不利利之愈
按活人以咳逆爲噦故今從而以仲景言
噦者入于咳逆之門縱使仲景言噦非此
証而活人論証用藥則是咳逆而非嘔噦
大抵咳逆者妄由汗下之後胃虛而作活
人以虛作寒治故用諸溫熱之藥然亦有
虛而有熱者有實而有熱者所引橘皮竹
茹湯未能詳盡也

咳逆分陰陽証

略例云陽証咳逆者胃熱失下也陰消將盡
陽逆上行使陰不內也爲之惡候或兼以舌
攣語言不正而反昏胃與咽痛者小陰也速
下之宜大承氣湯若陽極脉微將盡者不宜
下宜瀉心湯養陰退陽而已涼膈芒硝清肺
亦可陰証者內已伏陰陰氣太甚腎水擅權
肝氣不生胃火已病丁火又消所有遊行相
火寒邪迫而率集於胃中亦欲盡也故令人
發熱大渴引飲并去蓋覆病人獨覺熱也他

人按之身體皆寒此火卽無根之火也故用丁香乾姜之類溫胃其火自下咳逆乃止非如陽証以涼膈瀉心湯退心火陰氣乃生且陰証咳逆從嘔噦而生胃塞嘔噦不已陽逆繼之也

按欬逆本由陰氣已虛陽火暴甚直衝而上出于胃入于肺而作聲東垣用涼藥者所以瀉熱降人也若夫所謂陰証欬逆者蓋以陰氣先消陽火亦竭浮於胃中亦欲

散也故不宜用寒而反以溫藥養胃留其陽氣胃氣一和陽生則陰長之說也而此略例以陽証爲失下川承氣瀉心二藥分便秘便軟用之則可矣以陰証爲陰氣太甚腎水擅權寒邪迫火而上愚謂腎陰若盛則火自不妄動矣其所謂寒邪者未審其指受外寒耶內寒耶還只是虛耶姑俟明哲又按張子和云火欲上行爲寒邪所遏寒不勝火故作聲此則是上寒遏下熱

與外寒郁內熱之義同亦與前說不同

辨欬逆與噦不同

難知云夫欬逆証活人斷爲噦逆其說似是而非蓋噦者乾嘔也若有物直出則爲吐也嘔物旋出則爲嘔也嘔無物出則爲噦也欬逆者或水漬於肺而心痞或連續不已而氣逆或喜笑過多而氣噎或嚙飲而錯喉而氣搶或急食乾物而氣塞皆能作欬逆之聲連續不絕俗謂之吃忒是也大抵咳逆者不順

之義吃忒者差錯之義二者皆氣不得下爲火熱托之而使上至咽喉中噎而止也人或以紙撚鼻嚏而止或許寃盜賊因恐而止或鼻熱聞食香調氣而止皆抑之駭之而使氣下也千金以欬逆上氣者爲病肺脉散者死是心火刑于肺金也是以李氏稱易老云欬逆者火熱奔急上行而肺金不內何其當哉故便秘者大承氣湯下之便軟者瀉心湯主之朱氏斷爲胃寒并陽証二法用藥治噦雖

勝大抵其噦之意止是氣逆上行似欬逆耳
卽非仲景所謂咳逆之本証也蓋噦者出聲
也噦出其氣噦聲盡然後吸咳逆者入聲也
抑氣不出逆聲盡然後呼也出入呼吸其大
不同兼嘔噦者本於胃咳逆者本於肺何其
難辨哉

咳逆噦分手足經標本辨

難知云活人以咳逆爲噦謂若可下之宜調
胃承氣湯是邪氣在胃故斷之爲噦是則然

矣抑不思咳逆者是足陽明失下傳手太陰
活人但言其火之本不言其火之標炎上至
極高之分而欬逆也合而觀之噦與咳逆同
一熱也分而言之噦爲本爲膽爲胃爲中咳
逆爲標爲心爲肺爲上若標病應見止當治
標不必名噦若言作噦使後人只見膽胃本
而不見心肺標也此一說又足經甲戌而傳
手經丁辛也
按海藏論咳逆與噦二者不同謂其聲有

出入之異藏府有肺胃標本之殊其說尤
長但欬逆與噦其氣皆自下而上嘔噦則
直出于口咳逆則至咽喉吃忒而中止然
後出也實非有出入之異
論雜病欬逆皆由病後胃虛所生
三因云欬逆之病古人以為噦耳多因吐利
之後胃中虛寒遂成此疾亦有胃中虛膈上
熱噦至八九聲相連收氣不回者大抵傷寒
久病後老人虛人及婦人產後多有此證者

皆病深之候也亦有噦而心下痞悸者有痰
水所爲別無惡候者是

論吃逆病由陰虛火上亦有暴病屬實

相其者附

丹溪云吃病者氣逆也氣自臍下直衝上出
於口而作聲之名也書曰火炎上內經曰諸
逆衝上皆屬於火古方悉以胃弱言之而不
及火且以丁香柿蒂竹茹陳皮等齊治之未
審孰爲降火孰爲補虛人之陰氣依胃爲養

胃土傷損則木氣侮之矣此土敗木賊也陰
爲火所乘不得內守木挾相火乘之故直衝
清道而上言胃弱者陰弱也虛之甚也病人
見此似爲危證然亦有實者不可不知趙立
道年近五十質弱而多怒七月炎者大飢索
飯其家不能急具因大怒兩日後得滯下病
口渴自以冷水調生蜜飲之甚快滯下亦漸
緩如此者五七日召予視脉稍大不數遂令
止蜜水渴時且令以人參白朮煎湯調益元

散與之滯下亦漸收七八日後覺倦甚發吃
予知其因下久而陰虛也令其守前藥然滯
下尚未止又以煉蜜飲之如此者三吃尤未
止衆皆尤藥之未當將以姜附飲之予曰補
藥無速効附子非補陰者服之必死衆曰冷
水飲多得無寒乎予曰炎暑如此陰涼非寒
勿多疑待以日數力到當自止又四日而吃
止滯下亦安又陳澤仁年近七十厚味之人
也有久喘病而作止不常新秋患滯下食大

類聚卷三
減至五七日後吃作召予視脉皆大豁衆以爲難予曰形瘦者尙可爲以人參白朮湯下大補丸以補血至七日而安此二人者虛之爲也又一女子年踰笄性躁味厚暑月因大怒而吃作每作則舉身跳動神昏不知問之乃知暴病視其形氣俱實遂以人參蘆湯飲壹椀大吐頑痰數椀大汙昏睡一日而安人參入手太陰補陽中之陰者也蘆則反耳太瀉手太陰之陽女子暴怒氣上肝主怒肺主

氣經曰怒則氣逆氣因怒逆肝脉乘火侮肺故吃大作而神昏參蘆喜吐痰盡氣降而火衰金氣復位胃氣得和而解矣

謹按欬逆一證古方悉作胃寒所致俱用丁香柿蒂姜附等藥然此証有虛有實有火不可專作寒論蓋傷寒發汗吐下之後與滯下日久及婦人產後而有此者皆陰太虛之爲也若平人食入太速而氣噎或飲水喜笑錯喉而氣搶或因痰水停膈心

下或因暴怒氣逆痰厥或傷寒熱病失下而有此者則皆屬實也夫水性潤下火氣炎上今其氣自下衝上而作聲非火而何大抵治法虛則補之補中須分寒熱如因汗吐下談服寒涼過劑當以溫而補之如脾胃陰虛火逆衝上當以平而補之挾熱者涼而補之若夫實者如傷寒失下地道不通因而咳逆當以寒下之如痰飲停蓄心下或暴怒氣逆痰厥此等必形氣俱實

別無惡候皆當隨其邪之所在而涌之泄之清之利之也世醫凡遇此疾首以丁香柿蒂爲言殊不知此藥不能補虛不能降火不能清氣利痰唯有溫暖助火而已豈宜總治斯疾

海上仙方
吃噫
忽然患吃噫川椒生麩丸醋湯吞十粒仙方
不妄傳

聖惠方

治咳癆諸方

夫咳癆者是肺氣逆行也氣則為陽流行腑藏宣發腠理而氣者肺之所主也肺為五藏上蓋主通行腑藏之氣也今肺虛為微寒所傷寒搏於氣氣不得宣暢則肺壅而氣逆不止肺虛微寒之氣復搏於胃胃口氣弱脾中伏冷客邪之氣衝於胃管胃氣不攝使陰陽氣相擊所以欬癆也

治胃冷欬癆氣厥不通高良薑散方

高良薑

壹兩

乾木瓜

半兩

蓮子心

半兩

菖蒲

丁香

壹分

右件藥搗篩為散每服三錢以水一中盞

入生薑半分煎至六分去滓不計時候熱

服

神巧萬全方同

又方丁香

壹分

陳橘皮

壹兩

湯浸

去白

麩焙

人煎

右件藥搗麤羅為散每服二錢以水壹小盞煎至四分去滓不計時候熱服

治氣逆欬癆不止方

伏龍肝壹兩丁香半兩

右件藥搗細羅為散不計時候煎桃人醋

湯調下壹錢神巧萬全方同

治寒氣攻胃欬癆方

吳茱萸半兩湯浸七遍焙乾微炒青橘皮半兩湯浸

右件藥搗篩為散每服三錢以水壹中盞

入生薑半分煎至五分去滓不計時候熱

服

又方草苳菹一兩益智子壹兩乾柿二

右件藥搗篩為散每服三錢以水壹中盞

入生薑半分煎至五分去滓不計時候熱

服神巧萬全方同

又方胡椒三十顆麝香壹錢

右搗破胡椒入麝香用酒壹中盞煎至半

盞稍熱服

又方右用黑豆二合於瓶子中以熱醋沃之

紙封開壹小孔子令患人以口吸其氣入

咽喉中卽定 神巧萬全方同

又方右用木瓜汁生薑汁等分和勻温服壹

合 神巧萬全方同

又方右用薄荷汁壹合生蜜壹錢和調服之

神巧萬全方同

大全本草

生薑治暴逆氣嚼三兩皂子大下嚥定屢服

屢定

鹿髓主丈夫女子傷中絕脉筋急痛欬逆以

酒和服之良

獐肉胞膏注上氣乏氣欬逆酒和三合服之

日二

陳藏器本草云鴿鴿主吃取炙食之小兒不

過壹枚差也臘月得者主老嗽

日華子云鴿鴿肉治嗽及吃噫下氣炙食之

作妖可通靈眼睛和乳點眼甚明

三因方

噦治法

橘皮竹茹湯治咳逆嘔噦胃中虛冷每一噦至八九聲相連收氣不回至於驚人

橘皮二兩人參一兩甘草炙半兩

右為判散每服四錢水壹盞半竹茹壹小

塊薑五片棗二介煎七分去滓不以時服

○醫方大成橘皮壹升竹茹壹升甘草炙二兩

人參半兩棗子三十介生姜半兩右咬咀水十盞

煎至三盞作三服醫方集成南北經玉棧

微義右判以小壹斗煮服取三升去滓温

服壹升日三服

羌活散止欬逆

羌活炮去附子皮勝茴香炒各半兩木香五錢乾姜

炮丁香各壹兩

右為末每服二錢水七分盞塩少許煎數

沸空腹服

丁香散治咳逆噎汗

丁香各壹錢柿蒂各壹錢甘草炙良薑各半錢

右為末用熱湯點二錢袖珍方乘熱服不

以時醫方大成集成南北經驗方類

衛生十全方

治氣不順吃噫乾柿蒂為末每服壹錢入白

梅肉壹片沸湯點服

治咳逆

香附子去盡皮毛

右為末每服壹大錢水中盪煎三五沸頻

呷即愈

治吃噫連四五十聲者以生薑自然汁半合

蜜壹匙同煎熟溫服如此三四服即愈

神巧萬全方

治卒嘔噦厥逆飲新汲冷水三升

瓊碎錄

有患欬逆者閉氣少時則止

直指方

欬逆方蘇合香圓用丁香柿蒂煎湯調下

噫逆即咳逆胃寒所致也良薑為要藥人參

白茯苓佐之良薑溫胃能解散胃中風邪

嚴氏濟生方

咳逆

羌活附子散治吐利後胃寒咳逆

羌活

去蘆○南北經驗方

附子

炮去皮

半乾薑

炮去土

丁香

各壹兩

玉機

微義用水

香各一

右為細末每服二錢

微義水壹盞

入揅少

許煎至七分空心熱服

拔粹方此下有一

成經驗方抽珍方承類鈴方云活人方夫丁香用木香三因方二香並用

橘皮湯

得効方名橘皮竹茹湯

治吐利後胃中虛弱上

熱欬逆者

橘皮

去白二兩○醫方大成南北經驗方

人

參

炙各半兩○易簡方各壹錢

右剉散每服四錢水壹盞半

大成醫方集

珍方承類鈴方竹茹壹小塊生薑五片棗

二枚煎至七分去滓溫服不拘時候

柿蒂湯治胃滿咳逆不止

柿蒂

各一兩○衛生易簡方各二錢

右咬咀每服四錢水壹盞半醫方大成集

方袖珍方永類鈐方壽域神方易簡方一錢姜五片煎至七分

去滓熱服不拘時候○玉機微義右咬咀

四錢姜五片煎家珍有人參壹味寶鑑有

青陳皮二味並各等分爲末水煎服

得效方

咳逆

冷證丁香柿蒂散治吐利及病後胃中虛寒

欬逆至七八聲相連收氣不回者難治

人參 伏苓 橘皮 半夏 良薑炒丁

香 柿蒂各一兩 生薑壹兩半 甘草五分

右剉散每服三錢水壹盃煎乘熱頓服或

用此調蘇合香丸亦妙

木香勻氣散治同上用萊菔子湯泡研取汁

調熱服方見諸

沉香降氣湯縮砂烏沉湯治同前蘇葉三皮

塩少許煎湯點熱服方見諸

橘皮乾薑湯治胃中有寒咳逆

橘皮 通草 乾薑 桂心 醫方大成各二兩 衛生易

簡方各 人參 大成一兩 易簡方半錢 甘草 大成炙二兩 易簡方

壹錢 炙 此方各

右各等分 剉散 每服四錢 水蒸半 大成煎

木六分 溫服 日三服 醫方集成南北經驗方

同成 此方各

葦澄加散 療噫氣咳逆 此方各

葦澄加 良薑 各二兩

右剉散 每服二錢 水壹盃 煎六分 沸投醋

半盃 取出時 哈之甚妙

熱證 小柴胡湯 治同上 每服三錢 水壹盃 半

薑三片 柿蒂三介 煎熱服 方見傷寒門

澹寮方

咳逆方 萊菔子

右熱湯 泡研取汁 調木香 調氣散 乘熱啜

服

傷寒後 咳逆 其證最危 宜用半夏壹兩 生姜

壹兩 半白水煎服 其它病亦惡 欬逆 當用

丁香壹拾五粒乾柿蒂拾五枚煎湯半盞
乘熱頓服或用丁香柿蒂煎湯調下蘇合
香圓

聖濟總錄

噦

食入於口而聚於胃脾胃散精氣以養四旁
府藏氣和乃能埤助於中若脾胃氣虛不能
傳化水穀之精與新穀相于脾胃氣逆吞滿
復遇冷折之故令噦逆也

治脾胃俱虛脹滿噦逆兩順煮散方

高良薑 木香

右二味等分各搗羅爲末每服高良薑末
壹錢木香末半錢水壹盞同煎至七分放
溫和滓徐呷服不計時勿用鐵器煎
治噦逆不止人參湯方

人參 白朮 白茯苓去黑皮 藿香各半兩 甘

草壹分炙剉

右五味麤搗篩每服三錢匕水壹盞煎至

七分去滓溫服

治風冷乘脾胃致噦逆不止羌活湯方

羌活

去蘆頭

附子

炮裂去皮

藁香子

微炒各半兩

木

香

乾薑

炮各壹分

右五味咬咀如麻豆每服三錢水壹盞鹽

壹捻同煎至八分去滓稍熱服不計時候

治噦逆牙止不思飲食沉香烏藥丸方

沉香

烏藥

剉

青橘皮

去白

白木

剉

白芷

白茯苓

去黑皮

五味子

甘草

炙

人參

各等分

右九味搗羅為末鍊蜜和丸雞頭大每服

壹丸至二丸粥前生薑紫蘇湯嚼下

治噦逆不止飲食不入小丁沉丸方

丁香

沉香

木香

檳榔

剉

白豆蔻

剉

各半兩麝香

壹錢別研

人參

貳兩

桂

去麋皮壹分

白茯苓

去黑皮貳兩

甘草

半兩

乾薑

壹分

訶梨勒皮

壹兩

白木

四兩

青橘皮

去白焙半兩

右壹十四味搗研為末令勻鍊蜜凡如小

彈子大每服壹丸炒生薑鹽湯嚼下不計

時候

治諸般噎逆水銀膏方水合以輕重減小

水銀不結沙硫黃細研太陰玄精石各壹兩

右三味用醞醋五升文武火熬成稠膏瓷

合內盛旋丸如梧桐子大每服艾湯下七

丸不拘時

治脾胃俱虛噎逆上氣豆蔻湯方

草豆蔻去皮木香炙甘草炙乾薑炮高良薑

陳橘皮湯縮沙益智皮去

右八味等分釜搗篩每服三錢匕水壹盞
生薑三片同煎八分去滓溫服不計時候

治胃中風冷腹脹噎逆不思飲食理中散方

乾薑炮人參 白朮 厚朴去皮薑汁炙陳橘

皮去白焙甘草炙吳茱萸炒檳榔剉華撥

各半兩

右九味搗羅為散每服二錢匕入生薑三

片沸湯調食前服

治脾胃俱虛內挾風冷噎逆上氣乾薑丸方

乾薑 炮裂壹兩半 附子 炮裂去皮臍 胡椒 桂 去麤皮各

兩半

右四味搗羅為末鍊蜜和丸梧桐子大每服十五丸至二十九食前濃米飲下如嘔噦冷沫濃煎燒生薑橘皮湯下

治噦逆不止飲食不入枇杷葉湯方

枇杷葉 炙拭去毛四兩 陳橘皮 湯浸去白焙五兩 甘草 叁兩

炙

右三味麤搗篩每服三錢匕水壹盞入生

薑壹棗大切同煎至七分去滓稍熱服不計時候

治胃氣受冷氣逆奔衝嘔噦不定白朮湯方

白朮 剉 甘草 炙 莎草根 炒去毛 草豆蔻 下

大者去皮炒 乾薑 炮 陳麴 炒 麥蘖 炒各半兩

右七味麤搗篩每服三錢匕水壹盞生薑三片大棗二枚擘破同煎至七分去滓熱服不拘時候

治噦逆不止三聖散方

丁香四十枚胡椒拾四枚半夏七枚大者先以錐子鑽透心左

搗麻線繫過井華水浸七日壹日一度換水後焙乾

右三味搗羅為散大人生薑湯調一字小

兒筋頭蘸生薑汁後點藥少許口中立愈

至甚不過三服

治胃中有寒氣逆嘔噦生薑散方

苽豆蔻去皮二兩白麩裏煨令熟去麩甘草四兩炙剉

右二味搗為麤末以生薑去皮半斤細切

與藥末同入木臼內搗成餅子焙乾再搗

羅為散每服壹錢匕入塩點服不拘時候

治胃寒氣逆嘔噦不止苽豆蔻散方

草豆蔻去皮剉生薑和皮切作片子壹斤甘草四兩

炙陳橘皮壹兩

右四味勻和入銀器內川水過藥三指許

慢火熬令水盡取出焙乾搗羅為散每服

壹錢匕沸湯點之夏月煎作冷熟水服亦

妙

治噦逆不止附子煮散方

附子壹枚重壹兩者訶梨勒叁七枚

右二味同川蛤粉炒令附子裂去皮臍尖訶梨勒去核為細散每服二錢匕水壹盞煎至八分和滓溫服

治噦逆惡心氣不下降厚朴煮散方

厚朴去蘆皮藿香葉 半夏三味用生薑捌兩同作末淹一

宿焙陳橘皮去白甘草生各壹兩

右五味搗羅為散每服二錢匕水壹盞生薑三片同煎至七分去滓溫服

治胃口冷噦逆不已神效方

大棗壹枚青州者去核

右膏味入胡椒七粒合定濕紙裏煨熟地上紙襯出火毒去紙空心細嚼溫酒送下粥投之以效為度

降陽氣於下使陰氣上升升降無礙陰陽調適飲食運化諸疾不生降氣丸方

牽牛子貳拾兩炒熟補骨脂拾兩革澄茄拾兩

檳榔貳兩木香四兩赤茯苓去黑皮貳兩

右六味同搗羅爲末水煮麵糊爲丸如梧
桐子大每服五十九溫熟水下不計時候
治胃冷噦逆不思飲食丁香湯方

丁香 甘草多剉 陳麴炒各兩 草豆蔻皮去 陳橘

皮去白焙 木香煨 各各兩 分

右六味麤搗篩每服三錢匕水壹盞入生
薑五片煎至七分去滓溫服不拘時

治胃寒噦逆石蓮丸方

石蓮肉去心 附子炮裂去 乾薑炮各

右三味搗羅爲末粟米粥丸如菉豆大蜀
椒湯下十九止勿再服

拔粹方

嘔吐吃逆

藿香安胃散 二陳湯方並見脾胃門

柿錢散治吃逆

柿錢 丁香 人參各等分

右爲細末水煎食後服

醫方大成

咳逆

活人方半夏生姜湯治噦欲死

半夏

洗壹兩一分○玉機微義一兩一錢衛生易簡方壹兩

生姜一兩

○微義二兩切

右水二盞煎八分去滓分作二服

醫方集成南北

經驗方袖珍方同易簡方又云輕者以虛誑之事誣之或以紙撚搐鼻即止

南北經驗方

咳逆

宣明方桂苓白朮散治消痰逆止咳嗽散痞

滿壅塞開堅結痛悶推進飲食調和臟腑

揀桂

乾生姜

各壹分

茯苓

去皮

半夏

各壹兩

白朮

陳皮

去白

澤瀉

各半兩

右為末麵糊丸如小豆大生姜湯下二三

十九日三服病在膈上食後在下食前在

中不計時候一法更加黃連兩半黃蘗二水

丸取效愈妙袖珍方同

山居四要

噦欲死者半夏壹兩壹分湯泡生薑壹兩水

煎作二服

又法輕者以紙撚搐鼻或以盧朮之事誣之

即止

永類鈴方

咳逆

活人橘皮竹茹湯治噦逆

半夏生姜湯治噦欲死

橘皮乾姜湯治噦

已上三方並見傷寒門

施圓端効方

丁香柿蒂散治諸種吃噦嘔逆痰涎王政之方

丁香 柿蒂 青皮 陳皮 各壹兩

右咬咀每服二三錢水壹盞半煎至七分

去滓溫服無時

玉機微義 咳逆

治熱之劑

活人橘皮竹茹湯 方見三因方

按此出太陰嘔噦例藥也姜棗參橘亦是溫藥故三因云此治胃中虛冷但以此藥

比之姜桂丁香則性平故從嚴氏入治熱之劑

小茈胡湯治陽證欬逆

難知大承氣湯治欬逆大便秘者方並見傷寒門

瀉心湯治欬逆大便軟利者方見傷寒門

治寒之劑

半夏生姜湯方見醫方大成

橘皮乾姜湯方見得效方

按以上二方並太陰嘔噦例藥也

三因丁香散方見本方

嚴氏柿蒂湯方見嚴氏濟生方

按以上二方並太陰陽明經藥也

活人羌活附子散方見嚴氏濟生方

按此太陽少陰太陰經藥也

本事方治陰毒欬逆

川烏頭 乾姜炮 附子炮 肉桂 芍藥

甘草炙 半夏 吳茱萸 陳皮 大黃

右等分爲細末每服壹錢姜五片煎去濁

查取清熱服

按此三陰經藥也

補虛之劑

寶鑑炙甘草湯治許伯威中氣本弱病傷寒
八九日醫見其熱甚以涼藥下之又食梨三
枚痛傷脾胃四肢冷時發昏憤其脉動而中
止有時自還乃結脉也心亦悸動吃逆不絕
色變青黃精神減少目不欲開踈卧惡人語
以此藥治之

甘草炙 生姜 桂枝 人參 生地黃

阿膠 麥門冬 麻子仁 大棗

成無已云補可以去弱人參大棗之甘以
補不足之氣桂枝生姜之辛以益正氣五
藏痿弱榮衛涸流濕劑所以潤之麻仁阿
膠麥門冬地黃之甘潤經益血復脉通心
也加以人參桂枝急扶正氣生地黃減半
恐損陽氣剉一兩服之其證減半再服而
安

按此心肺藥也

謹按咳逆諸方古方唯有治寒之劑至於補虛降火養陰之藥及治痰氣厥逆之法皆未詳也學者自宜隨証用之

壽域神方

咳逆部

治胃膈痞滿咳逆不止

衛生易簡方治久患咳噫連咳四五十聲

取生薑汁半合蜜壹匙煎令熟溫服三次立效

衛生易簡方

咳逆

治吃噫用川椒為末和生麪丸如桐子大醋湯吞二十丸

治噦用柿蒂七枚水壹盞煎半盞服

治吃噫用陳皮二兩浸去瓢枳殼壹兩去瓢炒水壹升煎五合頓服効

治病者咳噫用良姜為末小二盞煎六分入少醋更煎一兩沸溫服立効

治卒客忤停口不能言用細辛桂心等分內
 口中治心氣痛治上氣欬逆及冷氣腰脚中濕風結氣用紫
 蘇子研州煮粥食甚良蘇子研州煮粥食甚良
 治乾嘔噦手足厥冷用橘皮四兩生姜半斤
 剉碎水七盞煎至三盞去滓溫服壹盞
 金匱鈞玄治心氣痛吃逆痰氣虛陰火有餘不足
 宜隨証消息不足者人參白朮湯下大

補丸 有餘并痰者人參蘆之類吐之

醫方類聚卷之一百十三